



Bosna i Hercegovina  
Federacija Bosne i Hercegovine  
Kanton Sarajevo - Grad Sarajevo  
**OPĆINA CENTAR SARAJEVO**  
**Općinski načelnik**

Na osnovu čl. 25. i 69. Statuta Općine Centar Sarajevo – prečišćen tekst ("Službene novine Kantona Sarajevo", broj: 23/04), član 13. Odluke o izvršavanju Budžeta za 2025. godinu (Službene novine KS, broj 52/25), člana 4. Pravilnika o dodjeli sredstava za sufinansiranje troškova ekskurzije učenika završnih razreda osnovnih i srednjih škola, („Službene novine Kantona Sarajevo broj 11/25 i 8/26“) i Odluke o pokretanju postupka raspisivanja i provođenja javnog poziva, broj:13-11-1943-1/26 godine, od 5.3.2026. godine, Općinski načelnik upućuje

## **JAVNI POZIV**

**za dodjelu sredstava za sufinansiranje troškova ekskurzije učenika završnih razreda osnovnih i srednjih škola u 2026. godini**

### **I OPIS PROGRAMA**

Nakon završetka osnovnog i srednjeg obrazovanja, veliki broj učenika nije u prilici da obezbijedi sredstva za odlazak na ekskurziju, te na taj način sa svojim vršnjacima obiđe interesantne destinacije kako u BiH, tako i u inostranstvu. U cilju obezbjeđenja pretpostavki da svi učenici, bez obzira na njihov imovinski status, odu na ekskurziju, Općina Centar Sarajevo planirala je sredstva u Budžetu za 2026. godinu za sufinansiranje troškova ekskurzije učenika završnih radova u ukupnom iznosu od 30.000,00 KM. Općina zadržava pravo da izmjeni iznos planiranih sredstava u skladu sa izmjenama budžetskih dokumenata u toku godine.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

### **II PRAVO NA DODJELU SREDSTAVA**

Pravo na podnošenje zahtjeva za dodjelu sredstava za ovu namjenu mogu ostvariti učenici završnih razreda osnovnih i srednjih škola koji:

- imaju prebivalište na području Općine Centar u neprekidnom trajanju od godinu dana do dana podnošenja zahtjeva,
- redovno pohađaju školu,
- čija ukupna primanja domaćinstva, ne prelaze iznos od 2.500,00 KM (sa svim obustavama).

Bez obzira na ukupna primanja domaćinstva, pravo na podršku mogu ostvariti učenici:

- bez jednog ili oba roditelja,
- sa invaliditetom

### **III TRAJANJE JAVNOG POZIVA**

Javni poziv se objavljuje na web stranici Općine i ostaje otvoren tokom cijele godine, odnosno do utroška sredstava planiranih za ovu namjenu u Budžetu.

#### IV POSTUPAK DODJELE SREDSTAVA

Dostavljeni zahtjevi će se rješavati po vremenu prispjeća. Služba će u roku od 7 (sedam) dana od dana prijema zahtjeva utvrditi da li su ispunjeni uslovi za dodjelu sredstava, te obavijestiti podnosioca zahtjeva (obavijest/zaključak). Konačnu odluku o dodjeli sredstava donosi Općinski načelnik.

*Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da su u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.*

Svaki podnositelj zahtjeva može podnijeti prigovor Komisiji za razmatranje prigovora u roku od 7 dana od dana prijema obavijesti/odluke. Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnositelja prijave. Konačnu odluku o dodjeli sredstava za podršku projektima i aktivnostima obrazovnih ustanova donosi Općinski načelnik, a u skladu sa važećom odlukom o izvršavanju budžeta Općine.

#### V POTREBNA DOKUMENTACIJA

Uz zahtjev potrebno je priložiti:

- a) uvjerenje o kretanju za učenika;
- b) potvrda škole o redovnom školovanju učenika/kandidata sa podacima o izabranoj turističkoj agenciji, ukupnoj cijeni aranžmana po učeniku;
- c) kućnu listu;
- d) dokaze o primanjima, odnosno školovanju članova domaćinstva navedenih u kućnoj listi;
- e) izvod iz matične knjige umrlih za roditelja/e (za kandidate bez jednog ili oba roditelja i prikuplja se po službenoj dužnosti);
- f) Transakcijski račun učenika ili roditelja/staratelja učenika;
- g) rješenje o invalidnosti (za kandidate sa invaliditetom);

#### VI IZNOS SREDSTAVA

Iznos sredstava koji se može dodijeliti po podnesenom zahtjevu (neto iznos):

- a) do 250,00 KM za učenike završnih razreda osnovnih škola,
- b) do 500,00 KM za učenike završnih razreda srednjih škola.

Sredstva iz stava (1) ovog člana će se uplatiti na račun korisnika sredstava. Korisnikom sredstava smatra se roditelj ili staratelj učenika, odnosno punoljetni učenik, kojem su sredstva odobrena po osnovu podnesenog zahtjeva.

#### VII NAČIN PODNOŠENJA ZAHTJEVA

Zahtjevi za sufinansiranje troškova ekskurzije, sa dokumentacijom se podnosi Službi za obrazovanje, društvene djelatnosti, kulturu i sport – Odsjek za obrazovanje i društvene djelatnosti, na protokol Općine Centar, ulica Mis Irbina br.1. elektronskim putem, preporučeno putem pošte.

Za sve dodatne informacije korisnici mogu pozvati broj telefona 033/562-393 ili poslati upit na mail: obrazovanje@centar.ba.

